

Danas svi na Tušanj: Zahuktala Sloboda "ruši" i neporaženi Radnik?

Utakmice 7. kola nogometne Premijer lige Bosne i Hercegovine na rasporedu su ovog vikenda, a jedan od zanimljivijih mečeva bit će odigran na stadionu "Tušanj" u Tuzli, gdje Sloboda dočekuje Radnik iz Bijeljine.

Radnik još nema poraza – dvije pobjede i četiri remija, Sloboda je u zadnja tri kola ostvarila dvije pobjede i remi, a trener Zlatan Nalić kaže:

–Nadam da ubuduće neće biti potrebno zvizdati igračima, jer su korektni i iskreni i daju najviše što mogu!

Nalić je za kratko vrijeme igrom i rezultatima vratio vjeru u Slobodu, ali prvenstvo je dugo, iskušenja je na pretek, trebat će pozitivnu atmosferu zadržati koliko je god moguće duže.

Najvažnije da "armija" navijača "crveno-crnih" uvijek bude uz njih, kao u Engleskoj, i kada se pobjeđuje i kada se gubi. Kao što je važno da igrači uvijek misle na publiku i pružaju maksimum, a rezultat možda uvijek i ne bude po volji.

Igrači Slobode ponovo su u karantinu od jučer, a ovoga puta umjesto hotela "Senad od Bosne" izolacija je upriličena u hotelu "Tehnograd".

Aktuelni prvak BiH Zrinjski pokušat će u Mostaru protiv Tuzla Cityja prekinuti niz loših rezultata, ali to isto žele i igrači Slobodana Starčevića, a imat ćemo ih priliku gledati večeras na TV-u od 20 sati.

Vodeći Željo u nedjelju dočekuje Krupu, drugoplasirani Široki Brijeg favorit je ekipi GOŠK-a mada igra u gostima,

Sarajevo danas gostuje ekipi Zvijezde 09, koja još uvijek u ovoj sezoni nije upisala pobjedu, a zadnjeplasirana Mladost također će tražiti prvu ovosezonsku pobjedu protiv zeničkog Čelika.

Raspored susreta:

subota:

Zvijezda – Sarajevo (17.00)

Sloboda – Radnik (19.00)

Mladost – Čelik (17.00)

Zrinjski – Tuzla City (20.00)

nedjelja:

Gošk – Široki (17.00)

Željezničar – Krupa (20.00)

Tabela:

1. Željezničar 6 4 1 1 10:4 13

2. Široki Brijeg 6 3 3 0 10:2 12

3. Sarajevo 6 3 2 1 13:7 11

4. Radnik 6 2 4 0 7:4 10

5. Čelik 6 3 1 2 5:9 10

6. Krupa 6 2 3 1 12:8 9

7. Sloboda 6 2 2 2 3:3 8

8. Zrinjski 5 2 0 3 6:10 6

9. GOŠK 6 1 2 3 7:12 5

10. Tuzla City 6 1 1 4 3:7 4

11. Zvijezda 09 5 0 3 2 4:8 3

12. Mladost 6 0 2 4 3:11 2 (tl – Foto: Miro Petrović)

Date: 25-08-2018